



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

Caput quadragesimum. Jesus coecis visum restituit.

urn:nbn:de:hbz:466:1-16260

Spart. Hadr.
cap. 25.

Plut. Pyrrho.

quemdam, cæcum natum, qui febrientem Hadrianum tangeret; quo facto sanatum utrumque. His commemoratis subjicit Spartianus: *Quamvis Marius Maximus hac per simulationem facta commemoret. Quibus opportune monemur, quid de supposititiis his Hadriani miraculis æstimare debeamus. Quid quod & hominum quorundam ea est invocatio, seu potius idoneitas, ut certos aliquos morbos contactu sanare possint: quale est quod de Hiberno quodam & literis & sermone multorum nuper ad nos ex Anglia perlatum est: & quod de Pyrrho narrat Plutarchus, ἀλλυγιῶν ἄρας* sanasse, pede dextro visceribus supinorum leviter impresso. At non certos aliquos, verum omnis generis languores Jesus Dominus sanavit.

CAPUT XL.

Jesus cæcis visum restituit.

PSALM. 145. 8. Dominus illuminat cæcos.
Ila. 29. 18. Et audient in die illa surdi verba libri, & de tenebris & caligine oculi cæcorum videbunt.

Ila. 35. 4, 5. Deus ipse veniet, & salvabit vos: tunc aperientur oculi cæcorum.

Ila. 42. 6, 7. Et dedi te in fœdus populi, in lucem gentium, ut aperires oculos cæcorum.

Ila. 42. 16, & seq. Et ducam cæcos in viam quam nesciunt, & in semitis quas ignoraverunt ambulare eos faciam: ponam tenebras coram eis in lucem, & prava in recta.
Sardi audite, & cæci intuemini ad videndum.

MATTH. 9. 7, & seq. Et transiit inde Jesus, secuti sunt cum duo cæci, clamantes & dicentes, Misereere nostri, fili David. Cum autem venisset domum, accesserunt ad eum cæci: & dicit eis Jesus, Creditis quia hoc possum facere vobis? Dicunt ei, Domine. Tunc tetigit oculos eorum, dicens, Secundum fidem vestram fiat vobis. Et aperti sunt oculi eorum. Et Matth. 20. 30. Marc. 10. 46, & seq. Luc. 18. 35, & seq.

Matth. 11. 4, 5. Et respondens Jesus ait illis, Euntes renuntiate Johanni quæ audistis & vidistis: cæci vident. Et Luc. 7. 18, & seq.

Matth. 12. 22. Tunc oblatum est ei Demonium habens, cæcus & mutus, & curavit eum, ita ut loqueretur & videret. Et Luc. 11. 4.

Matth. 15. 30, 31. Et accesserunt ad eum turbae multae, habentes secum mutos, cæcos, claudos, debiles, & alios multos; & projecerunt eos ad pedes ejus, & curavit eos: ita ut turbae mirarentur videntes mutos loquentes, claudos ambulantes, cæcos videntes.

Matth. 21. 14. Et accesserunt ad eum cæci & claudi in Templo, & sanavit eos.

Marc. 8. 22, & seq. Et veniunt Bethsaidam, & adducunt ei cæcum, & rogabant eum ut illum tangeret; & apprehensa manu cæci eduxit eum extra vicum; & expuens in oculos ejus, impositis manibus suis, interrogavit eum si quid videret: & aspiciens ait, Video homines velut arbores ambulantes. Deinde iterum imposuit manus super oculos ejus, & cepit videre: & restitutus est, ita ut clare videret omnia.

Luc. 4. 17, & seq. Et traditus est illi liber Isaiæ propheta: & ut revolvit librum, invenit locum ubi scriptum erat, Spiritus Domini super me, propter quod unxit me, evangelizare pauperibus misit me, sanare contritos corde, predicare captivis remissionem, & cæcis visum. Cepit autem dicere ad illos, Quia hodie impleta est hæc scriptura in auribus vestris.

Luc. 7. 21. In ipsa autem hora multos curavit à languoribus, & plagis, & spiritibus malis & cæcis multis donavit visum.

Joh. 9. 6, 7. Hæc cum dixisset, expuit in terram, & fecit lutum ex spuo, & linit in-

tum super oculos ejus, & dixit ei, Vade & lava in natatoria Siloë (quod interpretatur Missus.) Abiit ergo, & lavit, & venit videns.

Joh. 10. 21. Alii dicebant, Hac verba non sunt Daemonium habentis. Numquid Daemonium potest cæcorum oculos aperire?

Joh. 11. 37. Quidam autem ex ipsis dixerunt, Non poterat hic, qui aperuit oculos cæci nati, facere ut hic non moreretur?

CAPUT XLII.

Jesus surdorum aures aperit.

ISA. 29. 18. Et audient in die illa surdi verba Libri, & de tenebris & caligine oculi cæcorum videbunt.

ISA. 35. 4, 5. Dens ipse veniet, & salvabit vos: tunc aperientur oculi cæcorum, & aures surdorum patebunt.

ISA. 42. 18. Surdi audite, & cæci intuemini ad videndum.

MATTH. 11. 4, 5. Et respondens Jesus ait illis, Euntes renuntiate Johanni quæ audistis & vidistis: cæci vident, claudi ambulant, leprosi mundantur, surdi audiunt. Et Luc. 7. 22.

Marc. 7. 32, & seq. Et adducunt ei surdum mutum, & deprecabantur eum, ut imponat illi manum. Et apprehendens eum de turba seorsum, misit digitos suos in auriculas ejus: & expuens tetigit linguam ejus; & suspiciens in cælum ingemuit, & ait illi, Ephphetha, quod est Adaperire: & statim aperta sunt aures ejus, & solutum est vinculum lingue ejus, & loquebatur recte.

Marc. 9. 24. Et cum videret Jesus concurrentem turbam, comminatus est spiritus immundo, dicens illi, Surde & mute spiritus, ego precipio tibi, exi ab eo, & amplius ne introëas in eum: & exclamans, & multum discerpens eum, exiit ab eo.

CAPUT XLIII.

Jesus mutorum linguam solvit.

SAP. 10. 21. Sapientia aperuit os mutorum, & linguas infantium fecit disertas.

ISA. 35. 4, 6. Dens ipse veniet, & salvabit vos: Tunc saliet sicut cervus claudus, & aperta erit lingua mutorum.

MATTH. 9. 32, 33. Egressis autem illis, ecce obtulerunt ei hominem mutum, demonium habentem, & ejecto demonio locutus est mutus.

Et Luc. 11. 14.

Matth. 12. 22. Tunc oblatus est ei demonium habens, cæcus, & mutus; & curavit eum, ita ut loqueretur & videret.

Matth. 15. 30, 31. Et accesserunt ad eum turba multa habentes secum mutos, cæcos, claudos, debiles, & alios multos, & projecerunt eos ad pedes ejus, & curavit eos; ita ut turba mirarentur videntes mutos loquentes, claudos ambulantes, cæcos videntes.

Marc. 7. 32, & seq. Et adducunt ei surdum & mutum, & deprecabantur eum, ut imponat ei manum. Et apprehendens eum de turba seorsum, misit digitos suos in auriculas ejus, & expuens tetigit linguam ejus, & suspiciens in cælum ingemuit, & ait illi, Ephphetha, quod est Adaperire: & statim aperta sunt aures ejus.

Hhh